



ირაკლი ფაღავას N6
0144 თბილისი, საქართველო
ცხელი ხაზი: 1481(24/7)
www.ombudsman.ge
ელ-ფოსტა: info@ombudsman.ge

საქართველოს
სახალხო დამცველი
PUBLIC DEFENDER (OMBUDSMAN)
OF GEORGIA

28 დეკ 2024 წ.



KA000035283871324

№ 2024/7767

საქართველოს იუსტიციის მინისტრს
ბატონ ანრი ოხანაშვილს

წ ი ნ ა დ ა დ ე ბ ა

სპეციალური პენიტენციური დაწესებულებების ტერიტორიაზე სამეურნეო სამუშაოებზე დასაქმებული მსჯავრდებულების/ბრალდებულების შრომითი უფლებების დაცვის მიზნით გასატარებელი ღონისძიებების შესახებ

შემუშავებულია საქართველოს სახალხო დამცველის აპარატის მიერ განხორციელებული შემოწმების შედეგების მიხედვით და გეგმავნებათ „საქართველოს სახალხო დამცველის შესახებ“ საქართველოს ორგანული კანონის 21-ე მუხლის „ბ“ ქვეპუნქტის შესაბამისად.

ბატონო ანრი,

საქართველოს სახალხო დამცველის აპარატმა შეისწავლა 2024 წლის 16 სექტემბრის N5518/2024 განცხადება სადაც ყოფილი მსჯავრდებული მიუთითებდა, რომ 2017-2024 წლებში N2 პენიტენციურ დაწესებულების სამეურნეო სამუშაოებზე დასაქმების პერიოდში ადგილი ჰქონდა მისი შრომითი უფლებების შეზღუდვას. განმცხადებელი აღნიშნავდა, რომ სამეურნეო სამუშაოების შესრულებისას მას არ ჰქონდა დასვენების დღეების გამოყენების უფლება, ვერ სარგებლობდა კანონმდებლობით გათვალისწინებული უქმე დღეებით, ხოლო ზეგანაკვეთურად შესრულებული სამუშაო არ უნაზღაურდებოდა.

მნიშვნელოვანი ფაქტობრივი გარემოებები:

განსახილველ საქმეზე სპეციალური პენიტენციური სამსახურის N2 პენიტენციურმა დაწესებულებამ 2024 წლის 20 ნოემბრის N349024/20 წერილით საქართველოს სახალხო დამცველის აპარატს აცნობა, რომ N2 პენიტენციურ დაწესებულებაში სასჯელის მოხდის პერიოდში სამეურნეო სამუშაოებზე დასაქმებული სამუშაო დროის ხანგრძლივობა არ აღემატებოდა საქართველოს შრომის კოდექსის 24-ე მუხლის მე-2 პუნქტით დადგენილ, ნორმირებულ ხანგრძლივობას - კვირაში 40 საათს და საქართველოს სახალხო დამცველის აპარატს წარმოუდგინა სამუშაო საათების ამსახველი დოკუმენტაცია. თუმცა აპარატის მიერ სპეციალური პენიტენციური სამსახურის N2 პენიტენციური დაწესებულებიდან მიღებული დოკუმენტების შესწავლით, შეუძლებელი აღმოჩნდა სამუშაო დღეების განმავლობაში სამეურნეო სამუშაოებზე დასაქმებული ბრალდებულების/მსჯავრდებულების (მათ შორის) სამუშაო საათების ხანგრძლივობის გარკვევა, სამუშაო დღეების ამსახველ დოკუმენტაციაში არ ჩაბნდა და ასევე შეუძლებელი გახდა იმის გარკვევა, დასვენების და უქმე დღეებში ბაქარ კოხოდე ან სხვა დასაქმებული პირები ასრულებდნენ თუ არა სამეურნეო სამუშაოებს.

განმცხადებელმა საქართველოს სახალხო დამცველის აპარატის წარმომადგენელს დამატებით მიანოდა ინფორმაცია, რომ სამეურნეო სამსახურში დასაქმებული პირები მასთან ერთად დასვენების და უქმე დღეებშიც პატიმრებს დღეში სამჯერ აწვდიდნენ საკვებ ულუფას, მაღაზიიდან პროდუქტებს, ამანათებს და ასრულებდნენ სხვა აუცილებელ სამუშაოს ყოველგვარი დამატებითი ანაზღაურების გარეშე. შესაბამისად,

საქართველოს სახალხო დამცველის აპარატმა სპეციალური პენიტენციური სამსახურის N2 დაწესებულებიდან გამოითხოვა 2017 წლიდან 2024 წლის ჩათვლით N2 პენიტენციურ დაწესებულებაში დასვენების და უქმე დღეებში იმ სამუშაოებზე დასაქმებულ პირთა შესახებ არსებული მონაცემები, რომლებიც იმავე სამუშაოს ეწეოდნენ რასაც ან/და სხვა დასაქმებულები სამუშაო დღეებში. ასევე, საქართველოს სახალხო დამცველის აპარატმა პენიტენციურ დაწესებულებიდან სთხოვა განმარტა, რატომ არ იყო აღნიშნული ინფორმაცია ასახული 2017 წლიდან 2024 წლის ჩათვლით N2 პენიტენციური დაწესებულებაში მსჯავრდებულთა მიერ სამეურნეო სამუშაოების შესრულებისთვის ნამუშევარი დღეების ყოველთვიური აღრიცხვის ფორმებში. გარდა ამისა, N2 პენიტენციური დაწესებულებიდან გამოითხოველ იქნა 2024 წლის ივნისიდან 5 დეკემბრამდე პერიოდში დაწესებულების სამეურნეო სამსახურში დასაქმებული პირების სამუშაო გრაფიკის ამსახველი დოკუმენტაცია და ინფორმაცია საქართველოს შრომის კოდექსით გათვალისწინებულ დასვენების და უქმე დღეებში ვინ და რა სამუშაო გრაფიკით ასრულებენ სამეურნეო სამუშაოებზე დასაქმებული ბრალდებულების/ მსჯავრდებულების მიერ შესასრულებელ სამუშაოს.[1] აღნიშნული კორესპონდენციის საპასუხოდ N2 პენიტენციურმა დაწესებულებამ 2024 წლის 12 დეკემბრის N371249/01 წერილით საქართველოს სახალხო დამცველის აპარატს აცნობა, რომ N2 პენიტენციურ დაწესებულებაში სასჯელის მოხდის პერიოდში

ეწეოდა სამუშაო დღეებში დასაქმებული იყო დაწესებულების სამეურნეო სამუშაოებზე და პერიოდულად ასევე ასრულებდა ს ფუნქცია-მოვალეობებს (დანესიბილობაში მოქმედი უზრუნველყოფდა ბრალდებულებისთვის/მსჯავრდებულებისთვის მინოდებას/ნამოღებას) და რომ განმცხადებელი საქართველოს შრომის კოდექსით განსაზღვრულ დასვენებისა და უქმე დღეებში არ ასრულებდა შემოსხენებულ სამუშაოს. რაც შეეხებოდა, ინფორმაციას იმ პირების შესახებ, ვინც 2017 წლიდან 2024 წლის მაისის თვის ჩათვლით N2 პენიტენციურ დაწესებულებაში დასვენების და უქმე დღეებში ასრულებდნენ იმ სამუშაოებს, რასაც საქართველოს შრომის კოდექსით განსაზღვრულ სამუშაო დღეებში სამეურნეო სამსახურში დასაქმებული პირები ასრულებდნენ, გვეცნობა, რომ ვინაიდან მოთხოვნა შეეხებოდა პირთა განუსაზღვრელ წრეს და ვერ ხდებოდა კონკრეტული პირის/პირების იდენტიფიცირება, დაწესებულება მოკლებული იყო შესაძლებლობას მოეწოდებინა მოთხოვნილი ინფორმაცია. რაც შეეხებოდა მოთხოვნას 2024 წლის ივნისიდან 5 დეკემბრამდე პერიოდში N2 პენიტენციურ დაწესებულების სამეურნეო სამუშაოებზე დასაქმებული პირების სამუშაო გრაფიკის ამსახველ დოკუმენტაციასა და ინფორმაციას, თუ ვინ და რა სამუშაო გრაფიკით ასრულებენ სამეურნეო სამუშაოებზე დასაქმებული მსჯავრდებულების/ ბრალდებულების მიერ შესასრულებელ სამუშაოს საქართველოს შრომის კოდექსით გათვალისწინებულ დასვენების და უქმე დღეებში, გვეცნობა, რომ ვინაიდან მოთხოვნა შეეხებოდა პირთა განუსაზღვრელ წრეს, შემოსხენებული ინფორმაციის გადმოცემისთვის აუცილებელი იყო კონკრეტული მსჯავრდებულ(ებ)ის დემოგრაფიული მონაცემები, რათა მომხდარიყო მისი (მათი) იდენტიფიკაცია და შემდგომში შესაბამისი დოკუმენტაციის მოწოდება.

2024 წლის 13 დეკემბერს საქართველოს სახალხო დამცველის წარმომადგენელი იმყოფებოდა N2 პენიტენციურ დაწესებულებაში სადაც ესაუბრა დაწესებულების დირექტორს - რომელმაც განმარტა, რომ დაწესებულებაში არ იწარმოებოდა არანაირი დოკუმენტი, რომელიც აისახებოდა სამეურნეო სამუშაოებზე დასაქმებულ ბრალდებულთა/მსჯავრდებულთა სამუშაო დრო, დასვენების დღეები, ზეგანაკვეთურად შესრულებული სამუშაო ან სხვა მსგავსი ხასიათის ინფორმაცია. დაწესებულების დირექტორის განმარტებით, გამოიყენებოდა მხოლოდ ბრძანება მსჯავრდებულის/ბრალდებულის სამეურნეო სამუშაოებზე ჩარიცხვის ან/და ამორიცხვის შესახებ.

ყოველივე ზემოაღნიშნულიდან გამომდინარე დგინდება, რომ სპეციალური პენიტენციური სამსახურის N2 დაწესებულებაში სამეურნეო სამუშაოებზე დასაქმებულ ბრალდებულთა/მსჯავრდებულთა სამუშაო დრო სათანადოდ არ აღირიცხება.

სამართლებრივი საფუძვლები:

შრომის უფლება ადამიანის ფუნდამენტურ უფლებას წარმოადგენს. შრომასთან დაკავშირებული უფლებები აღიარებული და დაცულია როგორც ქვეყნის კონსტიტუციით,^[2] ისე საერთაშორისო ხელშეკრულებებით^[3], ასევე საქართველოს ორგანული კანონით „საქართველოს შრომის კოდექსით“ და სხვა საკანონმდებლო და კანონქვემდებარე ნორმატიული აქტებით.

მოგეხსენებათ, მსჯავრდებულთა დასაქმებასთან დაკავშირებული საკითხები მოწესრიგებულია პენიტენციური კოდექსით, რომლის 127-ე მუხლის თანახმად, ბრალდებულის/მსჯავრდებულის შრომითი საქმიანობა ხორციელდება ამავე კოდექსითა და საქართველოს შრომის კანონმდებლობით დადგენილი წესით. აკრძალულია ბრალდებულის/მსჯავრდებულის იძულება, შეასრულოს ისეთი სამუშაო, რომელიც ლახავს ადამიანის პატივსა და ღირსებას. ბრალდებულ/მსჯავრდებულს შესრულებული სამუშაოსთვის იღებს ხელფასს საქართველოს შრომის კანონმდებლობის შესაბამისად. ბრალდებულისთვის/ მსჯავრდებულისთვის შრომის ანაზღაურების მიცემის წესი განისაზღვრება საქართველოს კანონმდებლობით. ბრალდებულ/მსჯავრდებულს ხელფასი ერიცხება პირად საბანკო ანგარიშზე. მას ხელფასის სრული განკარგვის უფლება მიეცემა გათავისუფლებისას. ბრალდებულ/მსჯავრდებულს უფლება აქვს, ეს თანხა თავისი შეხედულებისამებრ გადაუგზავნოს ახლო ნათესავებსა და სხვა პირებს. პენიტენციური კოდექსის 130-ე მუხლის თანახმად, პენიტენციურ დაწესებულებაში სამეურნეო სამუშაოების შესასრულებლად მსჯავრდებულის ჩარიცხვა ფორმდება ამ დაწესებულების დირექტორის ბრძანებით. სამეურნეო სამუშაოების შესრულებისთვის მსჯავრდებულს მიეცემა ანაზღაურება. სამეურნეო სამუშაოების შემსრულებელი მსჯავრდებული არ არის საჯარო მოსამსახურე და მასზე არ ვრცელდება „საჯარო სამსახურის შესახებ“ საქართველოს კანონის მოქმედება. პენიტენციურ დაწესებულებაში სამეურნეო

სამუშაოების შესასრულებლად მსკავრდებულის ჩარიცხვისა და ამორიცხვის, მის მიერ ამ სამუშაოების შესრულების წესი, აგრეთვე მისთვის ანაზღაურების მიცემის წესი და ანაზღაურების ოდენობა განისაზღვრება მინისტრის ბრძანებით. პენიტენციური დაწესებულება ვალდებულია შექმნას მსკავრდებულის სიცოცხლისა და ჯანმრთელობისთვის მაქსიმალურად უსაფრთხო სამუშაო გარემო.

„მსკავრდებულის მიერ სამეურნეო სამუშაოების შესრულების და მისთვის ანაზღაურების მიცემის წესის დამტკიცების შესახებ“ საქართველოს სასჯელაღსრულებისა და პრობაციის მინისტრის 2014 წლის 22 დეკემბრის N157-ე ბრძანების მე-6 მუხლის თანახმად, **სამეურნეო სამუშაოებში დასაქმებული მსკავრდებულების რეესტრს ანარმოებს სპეციალური პენიტენციური სამსახურის მსკავრდებულთა რესოციალიზაცია-რეაბილიტაციის დეპარტამენტი, ხოლო ტაბელს – დაწესებულების სამართლებრივი რეჟიმის განყოფილება**. ამავდროულად, ამავე წესის მე-4 მუხლის თანახმად, სამეურნეო სამუშაოებში დასაქმებულ მსკავრდებულთა დაწესებულების ტერიტორიაზე გადაადგილება ხორციელდება მხოლოდ სამეურნეო სამუშაოებში დასაქმებული მსკავრდებულის სპეციალური განმასხვავებელი ნიშნის მეშვეობით (დანართი № 2), რომლის მოხსნა მსკავრდებულს ეკრძალება სამუშაოს დასრულებამდე. მსკავრდებული ვალდებულია სამუშაოს დასრულების შემდგომ სპეციალური განმასხვავებელი ნიშანი ჩააბაროს დაწესებულების სამართლებრივი რეჟიმის განყოფილებას. **სამეურნეო სამუშაოებში დასაქმებულ მსკავრდებულთათვის სპეციალური განმასხვავებელი ნიშნების გაცემისა და ჩაბარების აღრიცხვას ანარმოებს დაწესებულების სამართლებრივი რეჟიმის განყოფილება**. **სამართლებრივი რეჟიმის განყოფილება ვალდებულია მოსთხოვოს სამეურნეო სამუშაოებში დასაქმებულ მსკავრდებულს სამუშაოს დასრულების შემდგომ სპეციალური განმასხვავებელი ნიშნის ჩაბარება**.

ორგანული კანონის საქართველოს შრომის კოდექსის 24-ე მუხლის მე-11 ნაწილის თანახმად, დამსაქმებელი ვალდებულია სამუშაო დღეს წერილობით ან/და ელექტრონულად აღრიცხოს დასაქმებულთა მიერ ნამუშევარი დრო და სამუშაო დროის (ნამუშევარი საათების) აღრიცხვის ყოველთვიური დოკუმენტი გააცნოს დასაქმებულს, გარდა იმ შემთხვევისა, როდესაც, სამუშაოს ორგანიზების სპეციფიკიდან გამომდინარე, ეს შეუძლებელია. დამსაქმებელი ვალდებულია სამუშაო დროის (ნამუშევარი საათების) აღრიცხვის დოკუმენტი შეინახოს 1 წლის განმავლობაში. სამუშაო დროის აღრიცხვის ფორმას განსაზღვრავს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2021 წლის 12 თებერვლის N01-15/ნ ბრძანებით. სამუშაო დროის აღრიცხვა მნიშვნელოვანია იმდენად, რამდენადაც ნამუშევარი დროის ხანგრძლივობა პირდაპირ დამოკიდებულია დასაქმებულის ანაზღაურების განსაზღვრის ოდენობასთან, ზეგანაკვეთურად შესრულებული სამუშაო გარკვევასა და დასაქმებულის მიერ შესვენების ან/და დასვენების დროით სათანადო სარგებლობის უფლებისთან.

განსახილველი საკითხის შესწავლისას, მართალია საქართველოს სახალხო დამცველის აპარატმა ვერ მოიპოვა მტკიცებულებები, რომ N2 პინირიზიური დაწესებულების სამეურნეო სამუშაოებზე მუშაობის პერიოდში ადგილი ჰქონდა შრომითი უფლებების დარღვევას, თუმცა მოპოვებული ინფორმაცია მიუთითებს იმაზე, რომ N2 პენიტენციური დაწესებულება სამეურნეო სამუშაოებზე დასაქმებულ პირთა სამუშაო დროის აღრიცხვას სათანადოდ არ ანარმოებს. საქართველოს სახალხო დამცველი მიიჩნევს, რომ სპეციალური პენიტენციური სამსახურის ყველა დაწესებულება ვალდებულია კანონმდებლობის მოთხოვნათა დაცვით ანარმოოს სამეურნეო სამუშაოებზე დასაქმებულ ბრალდებულთა/ მსკავრდებულთა სამუშაო დროის აღრიცხვა და ნამუშევარი საათების შესახებ ინფორმაცია ყოველთვიურად გააცნოს დასაქმებულებს. აღნიშნული ვალდებულების შესრულება მნიშვნელოვანია იმდენად რამდენადაც წარმოადგენს შრომითი კანონმდებლობის მოთხოვნას, ამავდროულად, სამუშაო დროის აღრიცხვა და დასაქმებულისთვის მათი გაცნობა ახდენს შრომითი უფლებების დარღვევის პრევენციას და ხელს უწყობს ღირსეული სამუშაო გარემოს შექმნას.

დასკვნა:

ყოველივე ზემოაღნიშნული ფაქტობრივი და სამართლებრივი გარემოებებიდან გამომდინარე, საქართველოს სახალხო დამცველს სურს საზგასმით აღნიშნოს, რომ პენიტენციური დაწესებულებებში სამეურნეო სამუშაოებზე დასაქმებული ბრალდებულების/მსკავრდებულების სამუშაო დროის აღრიცხვის კანონმდებლობით დადგენილი წესები მკაცრად უნდა სრულდებოდეს, ვინაიდან სხვა დასაქმებულებისგან განსხვავებით ბრალდებულები/მსკავრდებულები არასამუშაო დროსაც იმყოფებიან დამსაქმებლის მუდმივი ზედამხედველობის/კონტროლის ქვეშ და მიეკუთვნებიან მონყვლად ჯგუფს. სამუშაო დროის სათანადოდ აღრიცხვა კი უზრუნველყოფს სამეურნეო სამუშაოებზე დასაქმებულ ბრალდებულების/ მსკავრდებულების შრომითი უფლებების დაცვას. შესაბამისად, „საქართველოს სახალხო დამცველის შესახებ“ საქართველოს ორგანული კანონის 21-ე მუხლის „ბ“ ქვეპუნქტის საფუძველზე, მოგმართავთ რეკომენდაციით:

უზრუნველყოთ ყველა პენიტენციური დაწესებულების ტერიტორიაზე სამეურნეო სამუშაოებზე დასაქმებულ ბრალდებულთა/მსკავრდებულთა სამუშაო დროის აღრიცხვა საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2021 წლის 12 თებერვლის N01-15/ნ ბრძანებით დადგენილი წესით და ნამუშევარი საათების აღრიცხვის დოკუმენტი ყოველთვიურად გააცნოთ დასაქმებულებს.

მოცემულ საკითხთან დაკავშირებით გატარებული ღონისძიებების თაობაზე, გთხოვთ, გვაცნობოთ „საქართველოს სახალხო დამცველის შესახებ“ საქართველოს ორგანული კანონის 24-ე მუხლით დადგენილ

ვადაში.

პაცივისცემით,

[1] საქართველოს სახალხო დამცველის აპარატის 2024 წლის 5 დეკემბრის N2024/6908 წერილი.

[2] საქართველოს კონსტიტუციის 26-ე მუხლი.

[3] ეკონომიკური, სოციალური და კულტურული უფლებების შესახებ საერთაშორისო პაქტი, ევროპის სოციალური ქარტია და სხვ.

საქართველოს სახალხო დამცველი

ხელმოწერილია/
შტამგდასმულია
ელმმტრნულად



ლევან იოსელიანი